

Augsburg, 14. März 1570

An Theodor Zwinger

UB Basel, Fr. Gr. I 11, fol. 327r.

S. Vereor, vt meae postremae literae, quibus significaui, me cupere f. illos 50 D. Luzelmannum Francofordiae ab Episcopio soluere procuratori meo, in tempore ad te peruererint. Cum enim 21 Februarij à me datae fuerint, fieri potest, vt diutius iacuerint Argentinae, aut prorsus interciderint: quod facile fit, cum certos tabellarios non habemus. Sed parum refert, modò certa sit: quod differtur non aufertur. Nostrates mercatores gratificari mihi noluerunt, cum facilè et absque vlo incommodo suo potuissent, ζηλοτυποῦντος τοῦ ἔρβάρδου τὴν περὶ γήρως προσφώνησιν. Demosthenica specimina omnia mihi perplacent: iudicium Episcopio permisi: quem, sicubi in salebris cacographiae meae haeserit, vt tanquam ἡρακλῆς ἀλεξίκακος, adiuues, etiam atque etiam oro. Tragicum casum Oesyandri ex animo doleo: audio tamen, antequam occumberet, ad sanam mentem reuersum, diuinae clementiae se commendasse: à qua vna salus omnium nostrum pendet. Theatri tui exornationem bene fortunet Deus: quod si spectare mihi licuerit, feliciorem me iudicabo, quam si Domitianus Amphitheatrum vidiisse. Mandaui Oporinianis, et Episcopio, vt Isocratis et gnomologiae exemplum meo nomine tibi darent. Facturos puto, teqúe pro humanitate tua leuidense munusculum non aspernaturum. Vale vir clariss[ime] tuoqúe merito perpetuò mihi amande et colende. Augustae Vindelicorum. 14 Martij, quo die tuas 8 Cal[endas] datas, accepi. 1570.

Hiero[nymus] Wolfius
Tuus.